

續修白鹽井志

卷貳

地 350.297
739
12

卷貳

天文志

星野氣候

地理志

疆域道里附形勢

山川風俗

2



續修白鹽井志卷之一

天文志

書有天官班固因之作天文志降及後世定丹曦素
魄之躔次列黃道紫官之分野人各其說莫衷一是
故史家有不列天文志者亦謂天道遠而人道邇也
然天之所覆不遺方隅其間氣候不齊寒暑各殊亦
有宜志焉者茲採輯諸書沿其舊例分其目曰星野

續修白鹽井志

卷一天文志

序畧

曰氣候姑以坐井者之所觀爲談天者之一助

星野

氣候



星野 天文志之一

分野之說原不足據前賢辨之最詳况白井之於地球渺太倉之一粟九牛之一毛而必指某星躔度以當之則鑿矣但省垣郡縣各志皆列此條茲仍其舊以俟後之明於西學天算者

前漢書天文志

秦地東井輿鬼之分其界盡於西南

牂越雋益州

唐書天文志東

井輿鬼鶉首也西南盡犍為越雋益州

謹案井舊志注謂越雋即今姚安白井屬姚則其連井入鬼明矣

雲南通志雲南幅員最廣其在西而北屬井鬼白井界

續修白鹽井志

卷一天文志

星野

二

蒼洱應合雍屬井鬼

姚州志姚為禹貢梁州之域天文井鬼分野在井三十度鬼初度之間

劉邦瑞井志滇為益州郡井鬼分野井八星三十度鬼四星五度俱屬鶉首之次皆在未宮而白井在益州西境當屬天市西垣第四巴星或謂入參星七度或謂入觜二度眾論不一據康熙十七年熒惑守輿鬼薄積尸氣吳逆叛亡則滇在輿鬼居多白井滇西屬地也於野星宜專屬輿鬼

郭存莊井鬼纏度考東井八星輿鬼四星南方朱鳥七

宿之首與目也

本朝厯度井宿三十一度鬼宿五度皆屬未宮而起井初度蓋以赤道分天之中亘古不易黃道爲日月五星之常道不能不因歲差而變易也井宿則雨水昏中鬼宿則春分昏中所以井星明則王道治熒惑見則災變生也

附錄明劉青田清類分野考以姚安在井鬼分蓋仍舊說而御史成雄飛天星分野姚安隸井之二十六度又查萬年憲書中參觜所指距星不同以參爲半度觜爲十一度自觜十度交未今於協紀辨方書中仍用舊法以參十一度入未至井二十八度已交午矣滇省當在參井之間不連鬼分

附錄姚州舊志星野說星官書無慮數十家俱以井鬼屬滇南謂近蜀者益州近秦者雍州僧一行亦屬井鬼而何承天郭守敬劉基皆其是說乃州土同知高翮映問愚錄獨以姚安屬柳之一度姑存之以俟博采

續修白鹽井志

卷一天文志

星野

三

氣候

天文志之二

春秋代序天地之運行寒暑相推陰陽之遞嬗此二十四氣七十二候所由分也然南多暑北多寒風土既殊氣候因之不齊滇候記序云十里不同風百里不同雷者信有徵也白井界在山谷地鮮平原而日夜煎鹽煙霧彌漫氣候較他屬稍異茲卽舊志採而輯之以備天文之一類云

括地志山崇水狹風烈土浮冬春恒暘夏秋多雨

劉邦瑞井志四時和平無大寒暑其節候悉與姚安同惟時蔬較姚獨早大抵井竈相連烟火接續是以氣

續修白鹽井志

卷一天文志

氣候

四

氲之氣常聚其間因而風雨之期適當其序秋冬樹猶帶綠春夏花盡攢紅此固燥溼之得宜而氣候之無愆者也

郭存莊井志滇地屬坤母辰介未申氣候和平冬無嚴寒夏無伏暑白井在深山中地勢卑隘兼之煎鹽烟火晝夜不停故盛夏比姚城較熱然遇連朝風雨雖長夏氣肅如秋故又有四時皆春一雨成冬之謠

地理志

班孟堅創地理志凡州國郡縣山川夷險時俗之異
區域之廣莫不詳記後之志郡邑者遂因之蓋紀疆
域則經緯析焉載形勢則郊圻畫焉詳山川則時淳
分焉採風俗則好尚殊焉謹倣雲南通志例分爲四
門俾俯察者一展卷而瞭如指掌云

疆域 道里附

形勢

山川

風俗

續修白鹽井志

卷一地理志

序畧

五



疆域 地理志之一〇道里附

井地古村落也舊屬蜻蛉姚安自定課設官始就附近地面劃爲疆域隸於提舉然四關內外所轄不過六七里之遙其餘盡歸州治而其所得志者亦僅矣師範滇繫白井在州北百二十里本大姚縣地有鹽課提舉司旁有九井曰觀音曰舊曰界曰又中曰灰白曰尾曰白石谷曰阿拜曰小皆產鹽爲公私之利白井迤西而屬楚雄在賓川州之東鐵鎖之南金沙江之西姚州之北大姚縣之西北雲南縣之東北天乙山之東南阿拜河之西南

續修白鹽井志

卷一地理志

疆域

六

劉邦瑞井志明時將井編定五坊曰綠蘿曰寶泉曰榮春曰思善曰訓讓後則更名五井以觀舊喬界尾命名皆不出九關之內

郭存莊井志五井界限南至白塔了口東至竈戶冲山頂西至寶關山頂北至象鼻嶺王家山嘴井界以外山多田少地僻村稀行不數里卽漢夷雜處之地矣道里附

井舊志白井在雲南布政使司西六百九十里東至金沙江三百里南至姚安府一百二十里西至賓川州二百里北至鐵鎖一百二十里東南至大姚縣九十

里西南至雲南縣二百四十里東北至安豐井八里
西北至天乙山五十里

續修白鹽井志

卷一地理志

疆域

七

形勢 地理志之二

今名巖郡古號白羊南襟弄棟之雄北抵金沙之險
西通雲彌層巒極聳峙之尊東列曇華排闥盡蕩離
之固論象形則五星聚井看遠勢則萬馬歸槽既有
鄰比之聯詎無咽喉之隘謹遵舊志採輯成篇庶言
形勢者有可考焉

雲南通志寶關毓瑞象嶺連雲井應神羊源流弗涸

參井舊志四山環拱一水中分石羊引涵脉之精碧象
鎖川源之秀丙峯雄峙文筆獻奇相其大勢南連弄
棟北距金江威楚東通蒼山西瞰蓋井地出巖爲二
續修白鹽井志

卷一地理志 形勢

八

十四屬百味之主故商販往來車馬輻輳視附近州
縣頗覺熙攘誠西迤之重地實財賦之奧區也

山川地理志之三

禹貢紀九州以山川爲疆界厥後山海經則主於山水經注則主於水爲後世地志所昉今依雲南通志參以井姚二志山必疏其支幹水必究其源流庶綱舉而目張云

山

羊城之山其大幹發脉於趙州之定西嶺東過雲南縣之烏龍壩水益峭至普湖驛東北入姚州古山寺後過峽至白塔街後山起頂下入腊麼層巒疊嶂起二十四了口直北而下至小水箐頭分東西二幹今

續修白鹽井志

卷一地理志

山川

九

於在井界外者約指其梗概在井界內者必詳其盡頭分別紀之如左

第一分幹由小水箐頭東折而爲三支

正支由一滴菴至陶軍冲入小黑箐曲折過苦了松坡大桃樹至大石頭起頂向北至燕子窩轉西山神廟

一支由大橋了口至董家箐門口過峽出大姚縣止

一支自小水箐頭東下新路坡至大姚縣之仙人橋折而北過秧天冲箐頭漏口坡頭及黃李子樹坡又東北至橄欖坡分一支西折而下爲大山坡

由大山坡頭東北行過麼遠坡頭爲馬鞍山爲黎武山

馬鞍山 採訪在白井南二十里黎武河源出其下
黎武山 雲南通志姚州志在州北百里峯高而長
有蘭若香河水出其東麓一字水出其西麓

由黎武山東北行西折而下爲長坡嶺山復行爲豹頭山
爲紅塔山

長坡嶺山 採訪賣酒河源出其箐內下至土擺窩
止

豹頭山 採訪柳樹塘居其下距井十五里南卡在
此今廢

紅塔山 採訪其上怪石磊落井人李繼朝於大石
續修白鹽井志

卷一地理志 山川

十

山鑛伯陽復出四字又函谷關三字現存

由紅塔山東北行過滾水潭至青龍坡

正支自燕子窩北行至山神廟西折而下爲南白塔山爲
金字山

南白塔山 雲南通志在司治南關外一名觀星山
井舊志名現星採訪在金字山左撇之下結撰如覆
鐘建塔其上鼎峙水口 謹按山至此已入境內

金字山 雲南通志在司治東南山有峯頭形如金
字故名採訪五山一嶺井人祖墓多在其下

正支由山神廟北行折西而下爲玉閣山爲蜈蚣山

玉閣山 採訪在司治東南下有玉閣故名

蜈蚣山 採訪在小東關外趙王二冲居其左右前

明洪武間姚州土州同高惠擒夷賊自久於此山下

由蜈蚣山東北行過黃石峽了口為迴龍山為照壁山為

東塔山

迴龍山 雲南通志在井東一里井舊志在司治東

脉來震位勢若迴龍登眺之餘全井在下 採訪魁閣

在其上朝對 聖宮由照壁山左側分支

照壁山 採訪在井司河東形如照壁又名掛榜祠

宇多居其下

續修白鹽井志 卷一地理志 山川 十一

東塔山 採訪在東關外大界冲頭古昔建塔於上

兩次折毀

正支由東塔山東折而北至土鍋營過峽起頂面南而為

象嶺山為白塔山為蝙蝠山

象嶺山 雲南通志在井北一里其形如象井舊志

橫巨水口時現白雲氣其上有寺有閣登眺則羣山

皆俯探訪下有鬻宮司署隔河借靠為五井主山

北白塔山 雲南通志在司治北一名鎖嶺採訪與

南白塔山對峙關鍵出入水口

蝙蝠山 雲南通志在象嶺山左其形如蝠為過安

豐井坡路謹按東幹之山不止於此茲但以井界之內環向井地者志之若論盡頭必至小井

河門

第二分幹由二十四了口至大水箐分支

正支由觀音塘撐掌田下折至葫蘆口過峽上大營盤山又折而下由土礮槽過峽穿葉乾壩西北行過花白箐迤邐至天心塘山

由天心塘山東折而下至葉家了口分爲二支

一支由東而南行蛇頭山大尖山石嘴子山再行爲核桃樹後山至岔河坪門口山止

一支由東北行過石谷園和尚冲至拱北山止謹按西幹至此已入

續修白鹽井志

卷一地理志

山川

十三

井界

拱北山 雲南通志白井志舊名北極山在司治南

二里許峭壁懸崖上有毘盧玉閣諸宮宇傍崖鑿壁婉轉結構下有白石谷箐水

正支由天心塘西北過峽行周乙山至甘家山西折而下爲白石谷山

白石谷山 雲南舊通志白井志在司治南六里探訪白石谷舊井在其下內有蘭若名水月菴

由白石谷山西北行過大了口東折而下爲飛鳳山爲龍泉山爲綠蘿山

飛鳳山 雲南舊通志白井志在司治西南形如飛鳳

龍泉山 採訪在龍王箐右山上有龍泉寺原舊在左綠蘿山麓燬於野火康熙間井人遷建咸同兵燹燬而復建因寺而山亦以名

綠蘿山 雲南舊通志姚州志在州北百二十里一名盤曲山上有綠蘿蘭若白井志在司治西南里許有清泉資人汲飲

正支由大了口西北行過大灣子東折而下為寶泉山為貴人山為寶關山

續修白鹽井志

卷一地理志 山川

寶泉山 採訪在司治西南下有蘭若

貴人山 雲南舊通志在司治右俗名老鼠山郭存莊舊志為嶂下貴人山

寶關山 雲南舊通志姚州志在司治西一里峯高百仞為迤西運鹽要路故名寶關郭存莊井舊志上

通迤西運道山半有妙華寺今改名為文昌宮採訪

司署衙門結聚其下借靠象山

謹按郭志謂司治之脈由黎武而來東西

隔河蓋傳聞之誤

由寶關山西北行為馬鞍山為福德山

馬鞍山 雲南舊通志在司治西北形如馬鞍劉邦

瑞井志在西北一里過峽處頗與馬鞍相似採訪盡頭處在北關外山半有閣名曰齊雲

福德山 採訪在北五里由寶關山西北過王家庄又西北過大坪至焚夷田及大松坪由北轉南逆河而上高大寬平面南屹立與東山象鼻交叉鎖水盡頭處有明鄉賢僕應東墓又名僕家墳山兩山東西環抱香水縈洄有橋通濟因以採香名焉

水

羊泉之水南出於小水箐之龍王碑北流入永北之金沙江在白井境內水流九曲統名香河茲遵通志

續修白鹽井志

卷一地理志

山川

十四

參以採訪按支派之分別而詳考其源流焉

龍王碑水 採訪在姚州又北界西北六十里白井西南隅六十里小水箐底紅山梁子東麓高峯十餘仞中有龍潭濶八九圍深不見底四面樹木陰濃遮蔽天日人跡罕至相傳葉落水面鳥即啣去原泉混混流聲潺潺洩湧而瀉出於兩峯之間附近鄉村資以灌溉村民刻石爲龍王像紀之以碑謹按白井香河實發源於此井舊志失於訪查誤以黎武之東麓西麓兩水爲香水河源一字水源而通志因之茲尋源溯委片爲更正則庶乎其不差矣

由龍王碑水北下五里西納大水箐水

大水箐水

採訪源出半山從村間左右奔流而下

入於河

又西北流三里納香蘭箐水又三里納羊樹角箐水又曲折北流五里至岔河坪納觀音塘岔河水

觀音塘岔河水 採訪源出天心塘山迤麓涓水處石峽湧出由北流南過蛇頭山下至花白箐葉乾壩左邊經瓦房山及三家村約八里自岔河坪入於河又西北流三里過核桃樹又三里過陶家庄東納小黑箐河水

小黑箐河水 採訪源出大姚縣界秧天冲箐頭過小黑箐至蓮花池及馬屎橋下約七里由陶家庄人

續修白鹽井志

卷一地理志

山川

十五

於河

又北流三里至里長箇東納黎武河水

黎武河水 雲南通志參姚州志出姚州北一百里黎武南麓爲香河水源東南流至大姚縣西南流入蜻蛉河郭存莊井志香水河流繞諸山下穿過五井其源出黎武村觀音塘與白石谷箐觀音山箐四水合流滙三岔河入金沙江採訪源出黎武後山馬鞍山下西出箐口二里至石橋下南納大山坡箐高礮槽下之水又自南流北二里至上黎武邨又自東而西二里至下黎武邨石橋下三里至里長箇入於河

又直北流三里至新庄山東納賣酒河水

賣酒河水 採訪源出長坡嶺山等東下土擺窩由

北流西五里至新庄山入於河謹按黎武東西麓大

又直北而下婉轉潑河東北過大村又西北過中村西納

天分水

天分水 採訪源出大尖山底小村箐頭乾隆八年

中小二村鄉民爭水灌田鬪毆傷人地屬州縣交界

兩官會同相驗前一夜忽雷雨交作崩一山砥柱中

流水分爲二上流中村屬姚州界下流小村屬大姚

續修白鹽井志

卷一地理志 山川 十六

縣界黎明二官踏看奇之因名天分水令勒石碑爭

端永息

又東北過柳樹塘及通濟橋李家庄各納溪澗之水又東

過雙壩塘東納磨石江水

磨石江水 採訪源出甘蔗園箐自北而南折而西

九里入於河

又東北而下過豬頭山又東北下過王三庄東納硝廠冲

水

硝廠冲水 採訪源出箐頭至冲口五里由硝橋下

入於河

又東北過拱北山西納白石谷河水

白石谷河水 採訪源出天心塘山下石灰冲箐底

六里至拱北山左入於河 謹按水至此已入境內

又直北而下西過鳳頭山白西折東又西過龍家井北流南關彩虹橋下入觀井又北而東東納湯家冲水

湯家冲水 採訪源出山神廟箐頭至冲口五里入於河

又東北下過環龍橋西納觀音箐水

觀音箐水 採訪源出龍王箐內泉湧峽中味甚甘冽資三井人汲飲三里入於河

續修白鹽井志 卷一地理志 山川 十七

又東北下折而西過風水橋又直北而下入舊井東納窰戶冲水

窰戶冲水 採訪源出蜈蚣山左右箐內自東而西三里許至冲口轉南復折而西北下至太平橋入於

河

又北流而西過寶泉橋西納祠堂箐水

祠堂箐水 採訪源出蒿子地左首奔流而下自鎖水閣而下入於河

又東北下過五馬橋西折而東過龍吟橋入喬井又東北過行春橋東折而西過壽虹橋直北而下入界井西納樊

良箐水東納大界冲水

樊良箐水 採訪源出奶奶頂箐頭入於河

大界冲水 採訪源出東塔山下過延齡橋入東關繞鬻宮前由文廟街暗渡入於河

又東北而下過萬安橋入尾井又直北而下西納聖泉橋下之水

聖泉橋水 採訪源出寶關山箐自西而北至尾井行宮三里入於河

又直北而下過螞蝗箐西納馬鞍山箐水

馬鞍山箐水 採訪源出圓覺菴右由螞蝗箐曲折

續修白鹽井志

卷一地理志 山川

十六

入於河

又過鎮鎮橋出北關外北流齊雲閣下西納洗澡箐水

洗澡箐水 採訪源出馬鞍山左麓奔流而下向北

塔山入於河

又東北而下旋繞象鼻山曲折而過西納王家庄水

王家庄水 採訪源出苦片房箐頭由大坪下老梅

樹至南而西至小河口五里北入於河

又由北過僕家墳山脚婉轉田間東折而北渡採香橋紆

廻曲繞流福德山下西納福德山水五里至小井河門口

西折而北滙東幹外諸水出三岔河至一字水歸一泡江

以入金沙江焉

續修白鹽井志

卷一地理志山川

十九



風俗 地理志之四

問俗觀風爰重輶軒之使風清俗美足增郡邑之光
蓋風行於上俗成於下風俗之美惡民情之良莠見
焉白井僻處一隅去中州萬里風氣旣殊習俗亦異
我

朝禮陶樂淑雅化涵濡一洗樸陋之風悉臻仁厚之俗
今綜舊志所載參以見聞而彙紀之是亦政治得失
之林而於化導之方未必無小補云

風俗總

〔土同知高裔映問愚錄〕人民樂善事蓋南中宗
阿育王之教多信佛事而漸摩性成之所貽也雲南

續修白鹽井志

卷一 地理志 風俗

二十

通志習氣旣遷人文漸盛男無狡猾女無粉飾姚安
府志紳士樂談名理民間相尙好施提舉郭存莊建
龍吟書院記白井居滇西萬山中石田不耨地產滷
井民資以生士之秀拔者咸能讀書習禮讓井舊志
白井界三姚西北風土人情大畧相似惟土瘠民貧
不事紡績多以滷代耕其餘若讀書若貿易莫不習
禮讓而安生業雖俗尚不能無弊然人情大抵純樸
固有異於沃土之民也

講約

〔井舊志〕每月初二十六日提舉先期懸牌屆期率
僚屬集士竈及鄉保居民於明倫堂郭存莊志率官

紳士民於通衢寺院設 聖諭行三跪九叩禮畢約
正約副登講案鳴講鼓宣講鐸書以彰勸善又約正
宣講二條並律誥數條講畢謝 恩一跪三叩首退
班撤案其有逆倫犯義者許於此時出首以憑懲責
今奉文於朔日講約採訪今白井五井士民於每月
朔望詣各壇所宣講勸化尤鄭重其事焉

鄉飲

〔井舊志〕每歲孟春之望仲冬之朔舉行鄉飲提舉
先出示令通學採訪鄉紳中齒德俱尊者爲大賓青
衿中才品素著者爲介賓耆老中忠信誠實身家無
過犯者充耆賓訪確具呈公舉提舉因具啟先期致

續修白鹽井志

卷一地理志

風俗

三十一

請屆期赴明倫堂遵儀注行賓主禮依次導飲作樂
歌飲罷共肅班望 闕謝 恩如儀而退郭存莊井
志乾隆年間接奉部文憲頒儀制舉致仕每逢十月
朔正月十五啟請先期張具明倫堂屆期拜至拜洗
拜送讀律誥一道如儀而退乃 聖朝養老尊賢以
勵風化大典採訪自咸同兵燹至今未舉鄉飲禮矣
送學 〔井舊志〕文武新進生有迎學之例查科歲考取充
附者幾名同新取補者幾名井司先着工房造匾禮
房備花紅以在前列者某人催公宴結彩明倫堂治
酒席於二日前往衙投迎學請啟屆期投速啟候升

堂行童生禮畢分班簪花紅飲酒後行生員禮由儀門出親友備盒酒花紅舉賀畢鼓吹張蓋各生乘馬并司送入 文廟行禮畢隨詣明倫堂分班序立并司與儒學行交拜禮諸生復行再拜禮於是首廩率諸生安坐行酒禮畢諸生魚貫而出遊泮池三匝鼓吹送至家并司與屬員暨首廩宴畢歸署採訪文武案首約會本案新進生醵金鑄銀杯銀盤一套水禮數色屆期送并司又水禮數色送學署餘仍遵此禮焉

賓興 并舊志凡科舉之年學憲取准科舉及遺才願赴續修白鹽并志

卷一地理志

風俗

三三

科者并司擇吉期用啟邀集大堂排宴安席序位跳大魁演戲三齣撤席簪花掛紅分班對揖畢送出儀門郭存莊志由儀門跨月宮橋朱衣點頭隨各生親友交相舉賀然後鼓吹傘蓋由大街送至南關樓候并司至復以盒酒作餞勸飲者三諸生辭別出南關登程如科舉生員係住居觀音井者卽在觀音井竈長送公禮一兩五井同採訪本并書院由膏火停課項下存積三載如數分送鄉會試卷金公局照送銀伍拾兩大理西雲書院送元卷親戚中亦送程儀至并司所送卷金每生二三兩不等

萬壽聖節

郭存莊井志井司先期出紅示屆期五鼓請集官紳鄉耆士竈在喬井行宮坐班朝賀今設於崇聖祠採訪每年壽期固然至十年大慶演戲設宴五井各戶粘貼新聯張掛同慶又迎讀詔書具龍亭設儀仗鼓樂各官穿朝服跪迎設案大堂行九叩禮開讀跪聽畢官司跪受於高潔處敬謹懸掛又日月食救護井司先期出示屆期官屬穿素服九叩巫道擊鼓旋繞至復圓更朝服慶賀而散又五井兒童輩逢此日相約擊鼓鳴鈺循行街巷羣呼救護至復圓始散又禱雨祈晴井司先期掛牌設壇於玉皇閣齋戒

續修白鹽井志

卷一地理志

風俗

二十三

潔誠禁止屠宰行香數日至得雨而止又白井至五月不雨各井兒童相率入夜擎香五步一叩同聲祈禱又每歲迎春先期具綵仗迎芒神土牛於東轉署屆期復以牲儀行三叩禮鞭畢牛架貯倉又今易於南郊蓋以東郊地褊狹故也

士風

摘錄明知府孔公重修儒學記絃誦相聞風聲樸茂爲醜文獻邦又教授陳生重修儒學記里閭絃誦穹谷揖讓與中土等盛又提舉夏宗堯新建尊經閣記質皆美秀文則斐然又州牧管公近思閣記石羊一區地雖僻遠而文風不替又提舉劉公重修學宮

碑五井之中駸駸乎人材輩出科甲聯翩誠爲從前所未覲者採訪士人讀書循禮衣冠整齊重品行不重科名寒畯之士於教讀司筆札外不爲賤役

冠禮 久廢

婚禮

井舊志婚姻遵六禮先求庚帖次通媒妁繼請親長之尊貴者向女家致意旣諾擇期行媒下定將娉請期納聘而後具啟迎親其儀物豐儉各因其力獨綵轎爭華古盒繁拙爲此地鄉俗至若婚娶論財夔虜之道乘喪嫁娶卽屬送理今白井概無焉採訪親迎日婿乘大轎以二童錦衣乘馬前導名騎頂馬至

續修白鹽井志

卷一地理志

風俗

三十四

婦家筵讌行親迎禮畢婦坐綵輿隨行男家接親女家送親俱有名望者先輩訂婚論門第不論財物自兵燹後嫁女者皆索重聘附以銀玉珮飾轉相效尤遂成做風而世族大家有聲庠序者皆恥而不爲

喪禮

井舊志舊俗凡弔客肉食讌待後易以素食弔者以蜜浸盒蔬菜席爲禮主人於檳榔茶外卽以此相待或更添果品濟之甚便也雖習染舊俗建壇諷經崇尚釋道然多乘生氣以營葬從未有停柩在宅延至二三載者其俗尤近古云採訪棺槨殯殮各視其力擇期發引先訃於親友並餽白布加於首以爲服

期親及姻婭至戚俱贈布衫是晨設筵款之相率送殯卜葬曰於塋上鑄石立碑哀麻經杖悉如古制惟崇信釋道於百日及週年或寺觀或家中必有佛事道場以素食待之

祭禮

井舊志清明插柳墓祭中元祭先於家焚冥衣楮鏹夜放河燈十月朔祭墓十二月二十四日祀竈又祭祀豐儉隨力但多尙淫祀今亦稍變

職業

採訪井俗勤儉戶盡詩書惟以涵代耕不務農業士之外多有從公爲鹽務司事以謀薪水者其餘或爲售鹽商販或爲擔汲滷夫先前婦女不事紡績布帛蜀來光緒二十八年

續修白鹽井志

卷一地理志

風俗

二十五

提舉文源提倡實業諭令舉人張如翼張之霖廩生張仲淑附生陳善集賢開局教染教織自是機杼相聞漸知勤女紅矣

節令

井舊志正月元旦各貼桃符門神掛五色彩楮交相賀歲立春日執事者先期備春花春帖邀通學於是日彩仗迎春堂佐儒學齋廩諸生成咸集隨詣鹽司大堂春酒宴樂元夕慶賞花燈星橋火樹厥風從古兒童扮採茶擊花鼓放爆竹俟月到天心各執香條詣環龍橋欄杆處遍插謂之走百病清明插柳於門劃生盤爲寒食會立夏日以竈灰圍牆避蛇五月初陽懸艾虎繫續命縷飲菖蒲酒以角黍相餽午後遊

竈戶冲採葉折枝戲鬪百草六月二十四日星回節
向午作醒盤會飲夜則燃火炬以占豐年光燄燭天
案通志云南詔皮羅閣欲併五詔誘五酋會於松明樓焚殺之鄧賅詔妻慈善測其謀勸夫勿赴夫不從以鐵釧約夫臂既而果被焚慈善認釧得夫尸歸葬皮羅閣聞其賢欲娶之慈善閉城死節滇人以是日燃炬弔之又云漢時有彘婦阿南夫爲人所殺誓不從賊以是日赴火死國人哀之因爲此會又云孔明以是日擒孟獲侵夜入城父老設燎以迎後遂相襲成俗未知孰是

七月七夕婦女穿鍼乞巧中元祭祖八月中秋以瓜餅慶月九月重九日登高飲茱萸酒黃花酒十一月長至節相賀各以糍餌相餽十二月初八日爲臘八節作五味粥除夕飲分歲酒圍爐守歲門首束炭二

續修白鹽井志

卷一地理志

風俗

二十六

執除舊更新採訪元旦祀天地祖先執香楮謁各廟宇拈香極其誠敬家以松葉鋪地植松樹一二株於階下或門前三月三日於勝地效修禊事端陽日相率遊魁閣金鼓喧闐老幼靡雜衣香扇影雅致可觀亦有遊賞各祠宇者星回節俗謂之火把會束薪爲燎高丈餘圍二三尺植於井旁綴以鮮果入夜燃之其光燭天村落用以照田祈年以炬之明暗占歲之豐歉亦有植於祖塋者兒童執火炬搗枯松木末沿街互相撒燒爲戲中秋以果餅相饋入夜祀月

施濟

郭存莊井舊志喬井舊有紅白分金八兩以助親

黨婚喪久而滋弊乾隆丙子年鄉士段士鵬張紹濂
王琮羅道明趙一琳楊於朝季開元等八十三戶於
長鹽銀兩外又捐銀十二兩交老成人輪流收放除
紅白各戶自送外遇有喪事卽動此銀借濟而有差
等如父母本身全分同居伯叔各半分分居伯叔兄
弟貳兩爲止無許戮頭利息之弊亦不得有借貸扣
勒之私如遇有分金多者在收放之人預借充出亦
不加利洵法良而意美也觀舊界尾皆倣效之採訪
兵燹後廢 普濟堂郭存莊井志在觀音井南關外
乾隆庚午年提舉葛慶曾倡捐修建前後平房十間

續修白鹽井志

卷一地理志 風俗

二十七

左右廂房六間題額保赤錫類採訪經亂被毀 養
濟院井舊志在舊井竈戶冲關內明崇禎壬午提舉
王文瓊創建乾隆丙子提舉郭存莊捐建平房三間
左右廂房三間並大門又一處在南關外漏澤園前
面有正房五間左右廂房各三間大門鋪子五間外
有圍牆又有菜地一分提舉郭存莊詳請設額孤貧
十名以貢生羅銓所捐金石庄義田收租給散歲終
造冊著爲常例採訪經亂被毀孤貧僅給六名 施
棺採訪道光間喬井庠生羅萬理王心濬倡捐置田
租設施棺會并建施棺所每年收取租息市材爲棺

以濟貧乏不能殮者兵燹後施棺所盡圯施棺仍循

未廢

光緒二十八年喬井紳倫等倡首捐銀百八十

竈張之霖王乃欽羅其

之費稟官立案提又觀井庠生甘從源捐銀市木為棺察有

果不能殮者然後施給至今尚行 寒衣採訪喬井

庠生羅萬理等設有寒衣會 燹後廢又庠生甘從源之

子甘恒亦於冬月市麻布為衣私濟寒苦今未廢

掩骨採訪五井各設一掩骨會均由公處及各戶捐

貲募挑涵之人於朔望撿取各關外山野齒骼及無

主之棺悉瘞之近惟喬尾二井仍循其舊 義穀採

訪觀井甘恒每歲元旦至初二三日於土主廟前以

續修白鹽井志

卷一地理志

風俗

二十八

飯菜欸貧乏食者又於歲終以錢米暗給貧不能舉火者 施水

採訪庠生羅萬理捐置田租募人於井西三岔營岔路負水貯存

石鋼以濟行人之渴甘恒亦於一滴菴甘露菴山神廟等處捐租

運水以濟渴二姓子孫至今循之不替又井人張如錫施租募人

於西路蒿子地大灣子負水濟渴今未廢

慶弔

採訪娶婦之家均以錢賀之豐儉視其親疏若親

長則予以拜銀新人雙雙叩謝饋嫁女者以布或絲

帶若至親則以衣服生子之家擇期讌客是晚各以

蜜食相賀聚而飲之謂之小酒今此風已革至週歲

有於聖母祠談經迎賓者則饋以花冠綵布錦衣及

銀質帽飾之類又釀貲爲鑿銀百家鎖福壽字爲賀若賀壽尋常則以茶聯親友則以壽帳壽對壽圖至有名望者則相率釀銀製錦屏爲祝若金書額聯羊酒則姻婭至親之賀禮也至科第賀儀或銀或錢視他賀禮尤爲豐腆新喪之家親友男婦詣靈前叩拜婦女則攜香楮焚之謂之吊紙開奠日賻以祭帳輓聯及香楮祭文戚誼則增以羊一豕一新喪百日於寺觀建齋演經皆以紙箱實楮鏹及食物爲饋至塋上監碑迎賓惟饋以蜜食而已

餽遺 姚安府志民間施予相尙採訪井人素敦情誼凡續修白鹽井志

卷一地理志

風俗

二十九

親鄰故舊互相仗助有遠行及有疾皆餽問餽問之物遠行則以銀錢茶茗有疾則以蜜食糖果豐儉各視其力

音樂 採訪古樂失傳社會中談演經典僅諳箏琶笙篴簫管鐘鼓之屬然音節諧和觀者起敬入夜尤爲幽雅聞者莫不移情

慶祝 井舊志正月十三日作龍王會五井五廟輪流值會廟內修齋廟前演戲三月二十六日作土主會迎神於行臺迎花四日走馬三日演戲十日壽期官民同祝採訪正月十三日官民詣總龍祠慶祝先擇日

迎會奉神徧遊五井沿街香燈結綵竈戶子弟數十
盛服乘馬前導演戲十日二月初三日爲文昌會官
民同祝初八日爲鹽商會商民同祝十五日爲武財
神會商民同祝十九日作聖母會土民同祝三月二
十八日爲倉聖會官民同祝同日爲土主會慶祝迎
會奉神遊街亦如龍王會惟擇期鬪馬跑馬稍異四
月十五日爲炎帝會演戲慶祝五月十三日爲關聖
會官民同祝六月二十四日土民慶祝同前七月初
七日爲魁神會官民同祝八月二十七日爲先師會
官民同祝九月十五日爲朱文公會官民同祝十月

續修白鹽井志

卷一地理志

風俗

三十

十五日爲文財神會商民同祝

齋戒祈禱

採訪正月初一日爲天臘會初四日爲藥王

會初九日謁玉皇閣爲玉光會十五日爲天官會二

月庚申至甲子卽玉皇閣爲太平會齋醮五日設尸

像神逐疫初八日謁文殊閣爲佛會士女羣集拜禱

十九日爲觀音會四月初八日爲浴佛會十五日爲

火官會六月朔日至六日禮南斗祈福五井分建道

場蔬食禁宰十六日於天臺寺玉皇閣二處爲靈官

會男女咸集七月十五日設壇五馬橋爲地官會是

夜放河燈九月朔至九日禮北斗祈福如南斗十月

十五日爲水官會四官會亦有設壇南關公所凡會期皆談演佛道諸經和之以樂壇規整肅備致誠敬兵燹初靖時疫流行人心惶懼每惑於鬼神有疾之家延巫禳禱故齋醮之舉尤多近則迥異於前矣有婦居婦女齋戒誦經月多會期相沿成習而男子亦多有染於齋戒者

飲食

井舊志宴會舊尙奢華今物力惟艱而豐齋因人矣採訪嘉道間鹽勛暢銷比戶饒裕凡宴會欸寶珍饅羅列誇多鬪靡兵燹後生計艱難漸知節儉卽日用飲食亦從澹泊矣至五穀油酒各物皆自各邑及

續修白鹽井志

卷一地理志

風俗

三十一

四方來售民間買而食之

服飾

井舊志井地衣服無誇緞帛婦女俱梳雲髻着襖衣上罩長褂領緣飾以花繡分肩成幅帖褂前襟此外別無艷粧華飾行路則以紗巾蔽面持傘遮身採訪男女俱尙樸素夏不衣葛冬僅着綿平日惟服布帛惟老人間有衣裘者

器用

採訪民情安於質樸器用不尙新巧金玉之器民間罕用若瓷漆雕鏤之器亦有用者土產陶器貧富皆所取資至鹽竈需用各器載食貨志

廬舍

雲南通志覆屋各省專用版瓦滇中兼用甌瓦相

傳滇中多風明初特敕許用採訪井人屋舍多以重
簷高樓深堂小齋覆屋之瓦甌取兼用舊時漢人居
瓦屋鄉村半居茅屋兵燹時廬舍被燬多結茅而居
今有改建瓦屋者矣爽垲之家大門悉皆高大蓋鹽
房多鄰民居以防池魚之患也

言語

採訪井人方言相似黑環井與他邑稍異呼虹从
岡字去聲古絳切與廣韻合讀天爲廳讀二爲夜呼
月曰月亮殘月新月曰月牙雲曰雲彩松炬曰明子
硯曰硯瓦市曰街山田曰雷響田謂雷雨交作而後
可種也大抵多以子字頭字爲語助詞以子字者如
續修白鹽井志

卷一地理志

風俗

三十一

椅子棹子之類以頭字者如木頭山頭之類皆方言
也

市肆

劉邦瑞井舊志各處府州縣地方定期爲市有一
四七街有二五八街有三六九街有逢五逢十街惟
白井不間期而常市自朝至暮俱聽交易者之自便
白井僅一大街自南至北爲通衢其餘屬後街多小
巷每屆秋夏淤滑不堪着足雍正六年提舉劉邦瑞
捐俸採石街巷全修土竈鑄石爲記載於五馬橋頭
司衙門首爲米街每清晨賓川州洱海各處脚人多
賣米於此每大升增價十文係滿量其姚安大姚一

路米豆蕎麥俱歸舊井上下店每大升較米街減價
十文係平量其實一也惟江右雜貨舖暨大理永昌
布不離舊井上下及蕭公祠左右餘則隨地可買大
抵五井以柴街爲擁擠採訪米市今在署前餘稍易
矣郭存莊井舊志南北通衢總爲一市諸貨並集惟
易米在司衙大門外柴係各井隨到聽買其餘貨物
舊井居多每屆夏秋街道淤滑雍正六年提舉劉邦
瑞採石捐修採訪日中爲市無限期蓋售鹽買薪不
可一日間非如他處城鄉有街期也惟市肆鱗次街
道狹隘人馬雜沓有肩摩轂擊之象焉

續修白鹽井志

卷一地理志

風俗

三十三

異教 採訪井界僧道頗少惟寺觀有看伺數人若女尼
久已盡革竊教有朵覲阿叭阿明三種今惟朵覲一
種尙存咸豐初降乩遊冥之教最盛降乩者布細沙
於木盤用木叉嵌以木筆左右立二人分執木叉書
之降像者盛服上坐書以硃筆或跳舞若狂口中喃
喃有詞令侍者書之悉皆假託天神下降之言以惑
人遊冥者夜靜僵卧口中作語自謂魂遊地獄親見
人間善惡報應人多信之有司嚴禁而不可革自同
治紀元後此風稍息矣

